

Minister Hooyboer-Winklaar ta introduci directiva nobo di Colegio EPI

Drs. Martin Richardson nombra como Algemeen Directeur nobo

DESPUES di un procedura largo y intensivo Colegio EPI awor conoce su directiva nobo. Minister Hooyboer-Winklaar a opta pa nombra ambos un Algemeen Directeur como un Directeur Bedrijfsvoering pa Colegio EPI.

Drs. Martin Richardson a keda nombra como Algemeen Directeur, mientras cu Angelique (Ankie) Danker a keda nombra como Directeur Bedrijfsvoering. Ambos miembro nobo di directiva tin experiencia amplio den posicionnan di maneho y coordinacion den enseñansa y den sector priva.

Minister Hooyboer-Winklaar ta mira cu Colegio EPI ta dreitando den un era nobo cu diferente cambio ambos na nivel di e organizacion como tambe den e estudionan cu Colegio EPI ta ofrece.

Drs. Martin Richardson, un Arubiano biba pa hopi aña na Hulanda, ta e.o. docente di Biologie y Scheikunde cu a profundisa su mes despues den "Mens en Arbeid". Ademá e no ta un persona desconoci pa loka ta maneho di organisacionnan di enseñansa manera Colegio EPI.

Awe EPI ta conta cu mas of menos 1700 estudiante reparti den di 4 unidad; unidad di Economia, unidad di Ciencia y Tecnologia, unidad di Salubridad y Servicio y unidad di Hospitalidad y Turismo. EPI den total ta conta cu 136 docente y 53 personal di sosten.

Actualmente EPI t'e scol di mas grandi di Aruba, pero si compara cu e grandura di scolnan MBO na e.o. Hulanda ainda EPI

ta relativamente chikito. Sr. Richardson ta indica cu den pasado el a fungi varios aña como kwaliteitszorgmanager den e College van Bestuur di ROC Amsterdam cu no menos di 40.000 alumno y 3000 docente.

Aunke e grandura ta un diferencia esaki no ta kita cu EPI ta confronta hopi di e mesun retonan cu cualkier otro MBO na Hulanda of den resto di reino.

Tambe drs. Martin Richardson a traha pa varios aña den "Management Begeleiding" y "Arbeidsvoorziening" na Sociale Zaken na Hulanda cu tambe tin hopi di haber cu enseñansa, debi cu semper tin personanan cu dificultad pa re-integra den enseñansa of sector laboral despues di a pasa den problemanan di bida.

Internacionalmente Martin Richardson a yuda hobennan ubica nan interesnan den e enseñansa cu mihor ta bay cu nan persona.

A coordina entre Turkia y Hulanda e proposicion pa cambianan den ubicacion di studentenan. Tambe a participa activamente den e organizacion di e celebracion di 400 aña di relacion economico entre Reino Hulandes y Turkia.

"Aruba semper a keda mi prioridad, y mi a trata di haya e experiencia pa un dia uza

esaki na mi isla, pa mi comunidad" e Director nobo di EPI a bisa.

Na momento cu e puesto di Director a bira vacante, Angelique Danker, Directeur Bedrijfsvoering a sa di fungi como Director suplente y a haci esaki hunto cu e unit managers y afdeling-shoofden di EPI.

"Pa mi esaki tabata un experiencia cu a resulta den un union grandi cu e team y nos a wordo yuda dor di Bureau di Minister Michelle Hooyboer-Winklaar cu a sa di guia nos cu nan sosten".

"Mi ta contento di por yama bon bini awe n'e Director nobo y mi ta convenci cu hunto cu e managers y docentenan di

EPI nos lo sa di tin añanan di exito nos dilanti" Angelique

Danker a duna di conoce.

"Nos tin retonan nos dilanti, pero e confianza t'ey y nos lo haci di EPI un scol cu lo sa di brinda e mihor educacion na nos comunidad".

Angelique Danker ta sigui den e funcion di Directeur Bedrijfsvoering guiando e parti di finansa y operacion.

E idea ta pa Di-

rectie di EPI consisti di 3 persona y pronto lo tin un vacatura pa un Directeur Onderwijs cu lo carga e funcion cualitativo di enseñansa.

EPI ta boga pa forma profesionalismo y personalidad y ta kere den honestidad, confianza, disciplina, motivacion, responsabilidad, respet, flexibilidad, team spirit, comunicacion y sigur e ultimo lo sa di conduci na cambianan grandi.

Minister Hooyboer-Winklaar kier a desea e directiva nobo di Colegio EPI hopi exito cu e tarea importante cu nan tin nan dilanti y ta conta riba sosten y cooperacion di tur stakeholders pa hunto nos por sigui traha na bienestar

y di Enseñansa di Aruba.

